

Cantici Cantorum, cujus hoc initium: *Concentum celi dormire quis faciet. Job. XXXVIII. Per Nominativum significatur causa efficiens istius operis id est Salomon. Materia per concentum celi id est concors denuntiatio et desiderium sanctorum patrum qui desiderabant nuptias diuine nature et humane &c.* Scholasticum aevum haec sapiunt; autor tamen me latet. Finit ille: *descende ad valles ad minores. vel descende super montes et per ipsos ad nos.* Membranae Codicem ambientes scatent Notis homileticis, et grammaticis, in quibus Papias et Hugutio citantur. In 1. antica legitur: *Anno ab incarnatione domini M^o. C.LXXX. VII.* In 4. vero sub finem inter quaedam erasa literis rabbinicis *Epistole de Paolo*, unde Codex in manibus Judaei Itali aut Hispani fuisse videtur; illum vero, ut Thecae intus adscriptum est, *Dominus H. tercius prepositus attulit Monasterio sancte Dorothee.* Fuit is *Henricus Bouel Alsata*, prius in Ducali Collegio *Viennae* Professor, et AA. Decanus, electus Praepositus 1421. *Locherus* in *Spec. Acad.* ad an. 1411. quo Decanatum gessit, eum *Bomel* adpellat.

CL.

R. 3096 Codex membraneus lat. Sec. XIII. Folior. 160. f. min. eadem ratione eleganter exaratus, qua superior, aliud est *Epistolarum D. Pauli Exemplar* itidem ad *Mona-*

sterium S. Dorotheae olim pertinens. Hic vero praeceunt *fol. 8.* Connotata varia hermeneutica et PP. Loca praecipue de Sacramentis nullo ordine congesta, ad quorum calcem legitur: *Hic liber (quaedam erasa) allatus est a casamaris.* Quod quid sibi velit, ignoro; certe non *Plinii Populos Casamarri.*

CII.

Codex membraneus lat. Sec. R. 3106 XIII. Folior. 184. 4. maj. eadem ratione eleganter exaratus, ejusdem Argumenti, et olim inter *Libros Episcopatus Neostadiensis Austriae.* *Folios 2.* praecedentibus variae Sententiae theologicae congestae sunt; ultimis vero 2. *Homiliae II.* inscriptae, quarum prior incipit: *In omnibus uiri fratres que gessit christus ihesus humilitatis preceptum exhibere uoluit &c.* Altera: *Penitentiam agite. appropinquabit enim regnum celorum. Euangelice lectionis tuba domini, mei cotidie insonat auribus nostris &c.* Praeterea postremae *Textus Paulini* paginae superstitionas imprecandi *Formulas* contra Pecorum infirmitates, contra Vermes, et fluxum Sanguinis e naribus *Stolidus* quidam illeuit, quas repetere piget.

K 2

CIII.

CIII.

R. 6 * Codex membraneus lat. Sec. XIII. Folior. 256. f. maj. caractere crassiusculo, atro, luculento per duas columnas descriptus, literis initiorum auro et coloribus, ceterum minio distinctus *D. Pauli Epistolas* ita exhibet, ut Textus a Commentario multo minutius et compressius exarato circumdatus sit, ut in antiquioribus editionibus Corporum Juris civ. et can. Bibliorumque glossatorum videre est. Prologus inquit: *Principia rerum requirenda sunt prius. ut eorum notitia plenior possit haberi.* Itaque te aut *Ambrosiastrum* illum, qui ad calcem T. II. *Opp. Ambrosii* edit. *Maur. col. 25.* extat, aut *Rab. Mauri* Expositionem in *Paulinas* prae manibus habere putes. Verum sequitur mox: *Si ergo epistolarum scripture post euangelium edite modum et rationem ostenderimus. poterit videri uerum quod dicimus. Sciendum igitur quod sicut in ueteri testamento post legis moysayce eruditionem. ubi culture diuine mandata continebantur, prophetica doctrina fuit necessaria &c.* Hinc *Petrum Lombardum*, ejusque, ut fert inscriptio edit. *Parif. 1547. 8. Collectanea in omnes D. Pauli Apostoli Epistolas; ex DD. Augustino, Ambrosio, Hieronymo &c.* contexta agnoscas, quae in alia antiquissima *Argentinesi Job. Mentelini*, ut videtur, editione f. penna miniata *Glossa ordinaria* praenotantur. Atque e praedictis mox Patribus *Petrum* plurima sua

depromfisse etiam *Codex* noster indicat, nominibus *Aug. Jer. Ambr.* in superiore cujusvis paginae ora conspicuis. Cur vero Noster Translationem suam iisdem sententiis, quibus memoratus *Ambrosiafter*, et post eum *Rabanus*, auspicari voluit? Periculo certe suo, apud eos, qui lectis primis *Codicum* lineis illico de Autore statuere amant. Exemplum nostrum integerimum et sane splendidum in *Epistola ad Hebr.* hisque verbis definit: *Gratia, id est, purgatio peccatorum et alia dei munera sint cum omnibus uobis Amen. Explicit.* E theca membranea, cujus dorso Titulus Operis nunc extritus more *hispanico* per longum decurrebat, suspicor *Codicem* cum Bibliotheca *Cardoniana Palatinae* illatum fuisse.

CIV.

U. 15 Codex membraneus lat. Sec. XIII. Folior. 182. f. eleganter perscriptus et rubricis distinctus complectitur omnes *D. Pauli Epistolas* ita, ut Textus grandiusculus lineis laxis mediam columnam teneat, *Walafridi Strabi Glossa* dicta *ordinaria* utrinque margines occupet, *Anselmi Laudunens.* dicta *interlinearis* Textui superimponatur, ut videre est in Editionibus *Bibliorum glossatorum*, in quibus etiam comparent *Argumenta* illa, quae in *Codice* nostro singulis *Epistolis* praefiguntur. Ita ad Romanos: *Romani sunt in partibus italiae &c.* ubi Noster legit a falsis